

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 405 del 19/02/2026**

**Joegn e sociazions i vegn envié a se candidèr per la onoranza, termin ai 27 de firé 2026**

## **Glanzleistung, l'assessor Marchiori: “Volontariat, forza concreta de l’Autonomia”**

[Ladino] **“L volontariat l é una de la esprescions piú siantives de l’identità trentina e de noscia jent: aer a cher la comunanza, defat, vel dir ge dèr forza concreta a noscia Autonomia, che l à so fundament su na cultura de la responsabilità e de la solidarietà che tel temp l à metù en pé de forc leames sozièi e comunanzes bones de ge fèr front a la endesfides piú ries senza lascèr endò nisciugn. Canche chest empegn l tocia i joegn, l doventa amò piú emportant che l vegne recognosciù, perché ogne joen che l se dèsc ju col volontariat l viventea i valores che met a l luster i confins de noscia identità. L autogoeern no l é demò n prinzip istituzionèl, ma n empegn reèl e concret, testamonech de fèr pèrt del teritorie e de voler spartir dessema l davegnir”. Chesta l é stat la paroles del assessor provinzièl per la promozion de la cognoscenza de l’Autonomia Simone Marchiori, che l sporc so envit ai joegn e a la sociazions de volontariat a voler se meter en jech e a portèr dant sia esperienza en previjion del “Recognosciment per l volontariat di joegn - Glanzleistung prestazion de ezelenza”. “Valorisèr voscia ativitèdes vel dir renforzèr noscia comunanza e l sentiment medemo de noscia Autonomia. L davegnir de l’Euregio no l pel vegnir fat demò co la politiches e la istituzions, ma ence co la partezipazion ativa di sentadins, soraldut di joegn. E l volontariat l é una de la formes piú autes de zitadinanza ativa”, l sotrissea l assessor.**

La candidatures per la "Glanzleistung", a valuta euroregionèla, les è avertes per Trentin, Südtirol e Tirol enfin ai 27 de firé che vegn. L'onoranza la vegn perveduda per i joegn che i à fat servijes de volontariat al ben de la comunanza a na maniera percacenta, de merit e de seghit. Do da Trent per l 2025, aldò de coche vegn pervedù l jir a roda anter i trei teritories, la zerimonia per soradèr la onoranzes la vegnarà fata a Busan ai 13 de mé 2026.

Per l Trentin la proponetes di candidac les cogn vegnir manèdes ite trè mail al Servije mendranzes linguistiches e relazions foradecà de la Provinzia autonoma de Trent, [serv.minlinguistiche-relesterne@provincia.tn.it](mailto:serv.minlinguistiche-relesterne@provincia.tn.it).

Autra informazions e formulères de candidatura sota chest link:

<https://www.ufficiostampa.provincia.tn.it/Comunicati/Riconoscimento-per-il-volontariato-giovanile-2026-can>

(cdt)